

③ 一堂東條先生之碑



昭和 14 年 7 月 13 日に、顧問石井菊次郎、鶴沢総明、白鳥庫吉その他、高橋喜惣治、千葉弥次馬、白井勇次郎、永野たけ、鶴田恵吉、井桁三郎ら地元有力者たちの協力のもとに建てられたものである。昭和 30 年初頭茂原公園の整備に伴い現在地に建てられたとあるから、別な場所から移してきた可能性もある。幅 145cm 厚み 24cm 高さ 310cm

一堂東條先生之碑 枢密顧問官正二位勲一等子爵石井菊次郎篆額

先生諱弘源姓東條氏字士毅通称文蔵号一堂螺羸窟近聖楼瑶池間人焚書以上人均其別号也上総八幡原人始祖長兵衛仁慈好施称小・長兵衛六世自得号寿庵移居江都業医配片岡氏生三男一女長則先生也幼英敏年甫十三立志為儒遊京師入皆川淇園門力学十年畢業歸東從龜田鵬齋叩經学底蘊又与朝川善庵羽倉簡堂佐藤一斉龜田綾瀨尾藤二洲等交遊学益進当是時先生名高一世下帷湯島後移玉池及受業者陸續不絕諸侯争聘問政送迎以輿有輿儒称閣老阿部正弘最重先生給十口米侍以親戚之礼多所諮議先生感知遇慨然对以拳賢良革旧習集諸侯開會議定国是勤王事言言剴切一時伝誦不惜云幕府未造海軍警頻至攘夷論・起先生以為不可輕興師以啓外讐宜綏撫以方彼若以暴加我則一戰掃攘可也且当使士民習航海術修防戰具水府老公一橋公欲召先生固辞不应或勸先生陽報奉朱学為幕府儒官先生憚曰吾固有所信曲学阿世生鈞名利則断不能也先生夙慨宋儒之說混同老仏唱秦漢以前之古学盖繼鵬齋有志其字義精覈文理明晰承之淇園而訓詁名物以清儒考証為規故不陷淇園之妄断排新註駁古註別立一家言何其・也弟子三千余人英才輩出就中江幡梧楼清河八郎頼三樹三郎安積五郎桃井儀八鳥山新三郎森田悟由海上胤平尤有名或以學問著或勤王聞可以概見先生之學風矣嘉永庚戌先生七十三歸里展墓阿部侯資以千石以上儀仗護送地頭石丸氏遣僕送迎書錦之榮可想也初先生之從父出郷也纔九歲所手裁稚松亭亭聳雲先生撫之感慨無料賦詩志喜先生風貌和粹資性温厚不与人争蚤起夜寢讀書不懈頗長臨池技所着八十余部上梓者二十部四書知言五弁口孝經鄭氏解繫辭答問最著安政四年丁巳七月十三日病没距生安永七年戊戌十一月七日享壽八十葬於本所妙源寺先堂之次諡曰古徵先生妹濤嗣郷家世農配鈴木氏生四男二女諱詰号方庵為龍岡藩有學娶本田氏拳二男二女伯長世繼箕裘業・永胤奉職學習院及東京帝国大学長女重子適小張文吉次女道子適山井清溪於為伯舅乃者郷人追慕先生之遺德建石謀不朽介永胤男卯作徵文於余戚誼不可辭乃拋狀叙其の梗概繫以銘曰十年種樹百年種德鬱鬱孤松先生所・先生之學主奉先泰非老斥仏固排洛閩丁帷受徒志存經世斐然成章三千子弟積善余慶子孫蠡斯千秋遺德永仰豐碑東京帝国大学教授從三位勲二等文学博士 鹽谷 温撰別当正四位勲三等 工藤壯平書 龍石刻